



ZEMLJA VATRE, VODE I LEDA! ZEMLJA NEVJEROVATNE LJEPOTE!

ISLAND

Svi izleti uključeni u cijenu!

6 DANA/AVION

12.05-17.05.2026.

Vjerovatno se pitate kako je živjeti u zemlji u kojoj nema vojske, u kojoj donedavno policija nije nosila pištolje, u kojoj vlada stopostotna pismenost, u kojoj se po glavi stanovnika štampa više knjiga nego igdje na svijetu, u kojoj su stanovnici najzadovoljniji na svijetu sa svojim životnim standardom!

U ovoj zemlji živi svega 330 hiljada stanovnika, a od tog broja 130 hiljada u glavnom gradu Reykjaviku.

Reykjavik je poznat po preko od 50 muzeja i galerija, dva pozorišta, simfonijskom orkestru i preko 100 odličnih restorana. Grad je poznat po bučnom i veselom noćnom životu. Za sve pripremite dovoljno novaca!

Posjetite zemlju gdje se glečeri i vulkani još uvijek bore za prevlast, posjetite krajolike obilježene gejzirima, lavom i vodopadima, gdje je svaki pogled na zaljeve i fjordove prava poslastica za ljubitelje prirode i fotografije.

Dopustite da vas iznenadi simpatičnost Reykjavika, okupajte se u kupalištu s geotermalnom toplom vodom na otvorenom, uživajte nekoliko dana u prirodi kao preslikanoj iz Tolkinove trilogije „Gospodar prstenova“.

Island je sve to i mnogo više, u isto vrijeme surov i veličanstven, ostrvo zarobljeno između Atlantika i Sjevernog mora ostavlja bez daha!

PROGRAM PUTOVANJA

1. DAN, 12.05.2026. (UTORAK), SARAJEVO – VARŠAVA – REYKJAVIK

Okupljanje putnika na Sarajevskom aerodromu kod Centrotours šaltera u 15:00h. Let broj LO580 za Varšavu u 17:05h sa dolaskom u 18:55h. Slijedi presjedanje na let LO499 za Reykjavik u 21:35h sa dolaskom u 23.55h. Nakon pasoške i carinske kontrole, slijedi transfer do hotela. Noćenje.

2. DAN, 13.05.2026. (SRIJEDA), REYKJAVIK

Nakon doručka odlazimo u obilazak Reykjavika, najsjevernijeg glavnog grada na svijetu čije ime znači „Dimni zaliv“. Priča kaže da su to ime Vikinzi dali prirodnoj luci kad su se oko 870. godine prvi put iskrcali na ostrvu.



Posjetit ćemo neke od najznačajnijih znamenitosti grada kojim dominira Hallgrímska crkva, monumentalna građevina na brežuljku iznad centra grada, remek-djelo istaknutog islandskog arhitekta Guðjóna Samúelssona koji je obilježio moderni Reykjavík. Od projekta nastalog prije Drugog svjetskog rata do konačnog završetka proteklo je skoro 50 godina, a grandiozne koncertne orgulje ugrađene su tek 1992. godine. Crkveni toranj (74 m) nije samo najviša građevina u Reykjavíku već pruža i najljepši pogled. Druga građevina koja privlači pažnju je Perlan, spremnik tople vode s velikom staklenom kupolom, pušten u pogon 1992. godine. Perlan povezuje estetiku s praktičnom korišću jer odatle se grad opskrbljuje toplom vodom. Usred grada nalazi se jezero Tjörnir, na čijim se obalama uzdiže gradska vijećnica, a u blizini su i državni parlament te gradska luka. Proći ćemo i kraj čuvene kuće Höfdi u kojoj su se susreli Gorbačov i Reagan 1986. i tim susretom označili kraj tzv. „hladnog rata“, te koncertnu dvoranu i konferencijski centar Harpa, moderno zdanje inspirirano islandskom geologijom. Poslijepodne je rezervirano za jedno od najposebnijih iskustava na Islandu – **Sky Lagoon**, luksuzni geotermalni spa koji oduzima dah. Inspirisan islandskim sagama i nordijskim mitovima o pročišćenju i ponovnom rođenju, Sky Lagoon nudi jedinstven ritual od sedam koraka, koji simbolično vodi od ledene vode do topline, od napetosti do mira. Dok uranjaš u termalne vode i gledaš beskrajni ocean, osjećaš ono što Islandci zovu **“íslensk náttúra” – neraskidivu vezu između čovjeka i prirode.**

Infinity bazen koji se stapa s horizontom, kamen i drvo oblikovani po uzoru na islandske pejzaže, miris mahovine i morske trave u zraku – sve je kreirano da probudi osjećaj unutrašnjeg mira i povezanosti sa zemljom vatre i leda. Slobodna večer za individualne programe. Noćenje.

3. DAN, 14.05.2026. (ČETVRTAK), ZLATNI KRUG (THINGVELLIR – GEOTERMALNA PEKARA – GULLFOSS – STROKKUR – REYKJAVÍK; trajanje izleta 9h)

Nakon doručka slijedi odlazak na cjelodnevni izlet “Zlatni krug”. Radi se o najpopularnijem izletu na Islandu uopće. Vožnja do zaštićenog nacionalnog parka **Thingvellir** Þingvellir, zaštićenog spomenika na popisu organizacije UNESCO, remek-djela prirode, mjestu gdje se susreću Euroazijska i Sjevernoamerička kontinentalna tektonska ploča. **Thingvellir** Þingvellir je i mjesto od posebnog značaja Islandcima jer su tu norveški doseljenici 930. godine osnovali Alþing, nacionalni parlament, koji je ujedno i najstariji parlament na svijetu. Šetnja fantastičnim krajolikom među stijenama okamenjene lave prema ljetnoj rezidenciji islandskih predsjednika. Nastavak putovanja do nesvakidašnjeg krajolika, geotermičkog područja gejzira, s kipućim blatnim jamama i živahnim **Strokkur** gejzirom, koji izbacuje vodu i do 30 metara u zrak svakih nekoliko minuta. Popodne posjetićemo veličanstveni, impozantni **Gullfoss** (Zlatni slap), jedan od najfascinantnijih islandskih vodopada, koji je smješten u gornjem dijelu rijeke Hvítá i svom se silinom spušta u klanac dubok 32m. Nestvarno i živopisno iskustvo! Tokom dana posjetićemo i jedinstvenu pekaru na svijetu – Geotermalnu pekaru Fontana u Laugarvatnu. Ovdje se ražev hljeb priprema u posebnim posudama u vrućem pijesku i pjenušavom blatu (ulaznica uključena u cijenu). Povratak u Reykjavík. Slobodno vrijeme. Noćenje.



4. DAN, 15.05.2026. (PETAK),

(REYKJAVIK – SELJALANDSFOSS – VIK – REYNISFJARA – REYKJAVIK; trajanje izleta 11h)

Doručak. Nakon doručka odlazimo na izlet „Južna avantura“ idealan za ljubitelje netaknute prirode i doživljaja jedinstvene islandske prirode i fascinantnih krajolika, toliko očaravajućih da su tamošnje lokacije najčešće mjesto snimanja serije „Igre prijestolja“ koja je snimana i na Islandu. Vodimo vas duž južne obale Islanda, jedne od najslikovitijih regija, zemlje slapova, glečera i crnih plaža i do najjužnijeg mjesta na ostrvu, Vik y Myrdal. Posjetit ćemo slap Seljalandsfoss, koji se spektakularno spušta 60m u dubinu i slovi kao jedan od najviše fotografisanih slapova na Islandu. Najveći i možda najposjećeniji je Skogafoss. Pauza u gradiću Vik – najjužnijem gradiću ostrva poznatom po plaži od crnog pijeska.. Izlet ne bi bio potpun da ne posjetimo jednu od najatraktivnijih plaža na ostrvu, zavodljivu i smrtonosnu Reynisfjaru... Ako vrijeme dopusti, otići ćemo do Solheimajokulla, koji je dio poznatog glečera Myrdalsjokulla. Očekujte dan u islandskoj prirodi, doživljaj brojnih kontrasta, koje pruža samo ta sjeverna, piktoresna zemlja. Povratak u Reykjavik. Noćenje.



5. DAN, 16.05.2026. (SUBOTA)

(POSMATRANJE PUFFINA – MUZEJ PERLAN „ČUDA ISLANDA“)

Nakon doručka slijedi slobodno vrijeme u gradu za posljednji shopping, a u 12:00h odjava iz hotela i odlazak brodom na avanturu posmatranja puffina – šarmantnih "ptica sjevera" koje su postale simbol Islanda.

Ove male, šarene ptice sa svojim narančastim kljunovima i pomalo nespretnim letom žive u kolonijama na stjenovitim ostrvima duž islandske obale. U proljeće i ljeto, upravo su islandske litice jedno od rijetkih mjesta na svijetu gdje ih je moguće vidjeti izbliza, u njihovom prirodnom staništu.

Izlet kombinuje plovidbu do ostrva, promatranje puffina i drugih morskih ptica, te slobodno vrijeme u luci za šetnju i ručak uz more. To je trenutak koji otkriva nježniju stranu Islanda – tišinu okeana, miris soli i susret sa stvorenjem koje simbolizuje čistoću i jednostavnost života na rubu svijeta. Dan nastavljamo odlaskom do muzeja Perlan – Čuda Islanda u kojem se možete upoznati jedinstvenu prirodu Islanda kroz izložbe koje su ovdje postavljene. Posjetoci mogu osjetiti snagu vulkana, zemljotresa i



geotermalne energije, vidjeti 10 metara visoku liticu za ptice i gledati kitove kako plivaju ispod njihovih nogu. Prošetajte kroz pravu ledenu pećinu visoku 100 metara i saznajte više o glečerima, klimatskim promjenama i još mnogo čemu. Vidikovac pruža 360° pogled na Reykjavik, što je uključeno u cijenu ulaznice za izložbu. Slijedi transfer do aerodroma Keflavik.



6. DAN, 17.05.2026. (NEDJELJA)

Let LO500 na relaciji Reykjavik – Varšava u 00:45h sa dolaskom u Varšavu u 06:45h po lokalnom vremenu. Slijedi presjedanje na let LO577 za Sarajevo u 10:45h sa dolaskom u Sarajevo u 12:30h. Kraj putovanja.

CIJENA: 3.295,00 KM/osoba* – sve apt takse i izleti uključeni u cijenu!

*** Rani booking cijena za rezervacije do 10.11.2025.**

Regularna cijena: 3.495 KM/osoba.

CIJENA OBUHVATA:

- Avio prijevoz na relaciji Sarajevo-Varšava-Keflavik, Keflavik – Varšava – Sarajevo (ekonomska klasa, 1 komad prtljaga do 23kg + ručni prtljag 7kg),
- Bus transfere po prema programu putovanja (sve troškove parkinga za autobus),
- Smještaj u dvokrevetnim ili trokrevetnim sobama u hotelu 4* (Klettur ili sličan) na bazi 4 noćenja sa doručkom,
- Sve obilaske prema programu (4 dana sa intenzivnim programima obilazaka),
- Ulaznica u Sky lagunu (boravak 2,5h, peškir, ritual 7 koraka)
- Ulaznicu u Geotermalnu pekaru,
- Izlet „Posmatranje puffina“
- Ulaznicu u muzej Perlan – Čuda Islanda,
- Usluge pratioca grupe tokom putovanja i kompletnu organizaciju putovanja

CIJENA NE OBUHVATA:

- Dodatne sadržaje i troškove koji nisu predviđeni programom, troškove lične prirode (piće, dodatni obroci, telefon, karte za javni gradski prijevoz i sl.)
- PZ osiguranje 18,00 KM, za osobe od 65-80 godina 36,00 KM;
- Doplatu za jednokrevetnu sobu 799,00 KM

Program je objavljen 02.11.2025.g.

VAŽNE NAPOMENE:

*Kalkulacija je rađena na bazi minimum 20 putnika.

*Vremena letova navedena u programu su prema redu letenja avio kompanija Lot Airways. Agencija NE MOŽE uticati na eventualne promjene ili kašnjenja, već je to isključiva odgovornost avio kompanije.

*Trokrevetne sobe za odrasle osobe (na upit) po redovnoj cijeni

***Agencija zadržava pravo promjene hotela i redoslijeda realizacije izleta.**

***Izlet „Sjeverna svjetlost“** vrlo je tražen u i isti će se održati tokom putovanja ukoliko to vremenske prilike dozvole. Inače, na izlet se obično ide oko 21:00h i traje maksimalno 3 – 3,5h. Aurora Borealis nije lahko vidljiva iz grada gdje gradska svjetla sprečavaju da se boje aurore vide u svom svom sjaju i zato se odlazi izvan grada, u radijusu od najviše 50-ak km. Međutim, riječ je o prirodnoj pojavi i višenje iste ne može se garantovati. **NAPOMENA:** U slučaju da niste vidjeli auroru, novac se ne vraća!

***Za putovanje važe Centrotours Opći uslovi putovanja.**

OSNOVNE INFORMACIJE

Naziv: Republika Island

Glavni grad: Reykjavik

Površina: 102.775km²

Broj stanovnika: 332.529 (stanje januar, 2016.)

GDP po stanovniku: 48.070,00 USD

Gustina naseljenosti: 2,6st/km²

Urbano stanovništvo: 92%

Nezavisnost: 17.6.1944.

Novac: islandska Kruna = 100 aurara, 1 EUR = oko 150 ISK

Struja: 220 V/50Hz, nije potreban adapter



Klima: blaga ljeta i hladne zime, vrijeme promjenljivo, prosječna dnevna temperatura u septembru 10°C

Vremenska razlika: ljeti – 2 sata (Sarajevo 12:00 sati – Reykjavik 10:00 sati)

Jezik: islandski, koji je ostao gotovo nepromijenjen od kada su Vikinzi naselili Island u 9. i 10. vijeku; koriste se i engleski i danski

Hrana: islandska kuhinja temelji se na ribi i janjetini, najpoznatiji specijaliteti su: gravlax (marinirani losos), hangikjot (sušena janjetina), hardfiskur (sušena riba), hakarl (morski pas), skyr (vrsta joguta), a najpoznatije lokalno piće je Brennivin (jako alkoholno piće neobičnog okusa)

Odjeća: ugodna, slojevita, topla, voodootporna, ne zaboravite kupaći kostim

Shopping: vuneni prekrivači, kaputi, jakne, kape i rukavice u bojama zemlje, vikinški nakit od zlata i srebra, predmeti od lave

Viza: nije potrebna, pasoš mora vrijediti još najmanje 3 mjeseca od dana dolaska na Island

GEJZIR (iz islandskog jezika *geysa* – vrtlog, tok) je termalni izvor na površini zemlje koji u manje ili više redovnim vremenskim razmacima izbacuje kipuću vodu i paru kao fontanu u zrak.

Ime *geysir* je dobio po islandskim izvoru *Geysir*. Gejziri se nalaze uglavnom na vulkansko aktivnim područjima (Island, Novi Zeland, Čile, Nacionalni park Yellowstone u SAD-u).

